



Quotidiana Christiani Militis Tessera

Stanyhurst, Guillaume

Coloniæ Agrippinæ, 1682

13. Dies Januarii. Disce homo non diligere mundum, ut diligas Deum:
Averte, ut convertaris. Gregor. disp. de temp. 507.

Nutzungsbedingungen

[urn:nbn:de:hbz:466:1-55659](https://nbn-resolving.org/urn:nbn:de:hbz:466:1-55659)

Januar.

Tessera.

31

dine. Si tibi sapiat Jesus, omnia tibi desipient præter
Jesum. Quia

Dulcior est Jesus, quàm quivis corporis esus.

13. DIES JANUARI.

Disce homo non diligere mundum, ut
diligas Deum: Averte, ut convertaris.

Gregor. disp. de temp. 507.

Misericordie
Mundi.

UT in mundo ad tempus dese-
ras mundum, suadebit tibi ipsa
mundi calamitas, & eorum
quæ sunt mundi, vanitas. Acci-
pe illam ex calamo illius, qui mundum expertus, tan-
dem omnia in mundo exosus, hisce coloribus ejus li-
neamenta adumbravit. (a) *Heu infelicem mundum!*
heu miserum mundum! heu fraudulentum mundum!
Verum quotusquisque eorum qui de mundo queruntur,
explicare potest, quis sit ille de quo queritur. Mundus in
quo nascimur, vivimus, morimur, plurimum differt ab
eo mundo, de quo querimur. Ut igitur rem ipsam expli-
cemus, Mundus hic malus, nihil est aliud quam munda-
norum vita mala, ubi loco terra est Avaritia, ignis, cu-
piditas, aqua inconstantia, aeris levitas & stultitia, petra-
rum superbia, florum oblectamenta arborum celsarum,
cogitationes, maris profundi cor, Quid multis? Mundi
hujus sol est prosperitas, luna continua mutabilitas.
Hic ergò, hic est mundus, hostis noster capitalis, ami-
cus fraudulentus, qui assiduo nos labore defatigat,
qui nostro nos thesauro spectat, qui se bonis for-
midabilem, improbis amabilem, præbet: honorum
maximè

(a) *Antoninus Imp. c. 42.*

maximè prodigus alienorum, propriorum parcissimus
 vitiorum omnium machinator, virtutum cunctarum
 carnifex: qui suos blanditiis sustentat, alienos deliciis ab-
 licit: qui mortuorum famam furatur, & vivorum vitam
 deperdat. Denique mundus is est, qui rationem habet
 cum cunctis, à quo rationem petere nemo audeat. Hæc de
 Mundo & mundi vanitate, mundi deliciis irretitus
 Imperator M. Aurelius Antoninus. Quid aliud de
 mundo scribere potuisset Anachoreta D. Antonius

II. Eidem huic tabulæ manum apposuit, eique
 quasi summam manum imposuit Franciscus Petrar-
 cha, qui hunc in modum ejus faciem delineat. Quid
 est mundus? *Vas rimosum, specus inexplebile, terra do-
 mus, breve diversorium, fœdus carcer, latens præcipitium,
 procellosum pelagus, vadosa litera, anceps portus, officina
 scelerum, sentina libidinum, caminus irarum, puteus o-
 diorum, putre ædificium, fundamētum fragile, muri hi-
 antes, tecta labentia, statio instabilis: rota volubilis, ma-
 nens cursus, scabra levitas, scrupulosa suavitas, blanda
 crudelitas, fallax amicitia, concors discordia, fœdus fra-
 gæ induciæ, bellum inexorabile: pax insida, simulata
 virtus, excusata nequitia, laudata fraus, honoratum de-
 decus, irrita simplicitas, contempta fides, nugæ seria, inge-
 niosa dementia, loquax torpor, velata ignorantia, que-
 relarum suspiria, contentionum strepitus, vulgi fragor,
 obliuosa peregrinatio, patriæ odium, amor exilii, lemu-
 rum civitas atque larvarum, demonis regnum, Lucife-
 ri principatus.* Quid aliud de mundo sentire potuif-
 set maximus ille mundi osor D. Franciscus Minorum
 Fratrum magnus Patriarcha, quam hic Franciscus
 Petrarca.

III. Adhuc post tot displicentia placet mundus?

Ad-

Januar.

Tessera.

33

Adhuc inter tot flenda in mundo, arridet tibi mundus? Sine sublimi vertice mundum despicere, ut definas suspicere? Ascende tacitis cogitationibus illam editam D. Cypriani speculam, in qua velut in speculo mundi faciem truculentam contemplaberis. (a) *Paulisper te crede subduci in montis ardui verticem celsiorem, speculari inde rerum infra te jacentium facies: & oculis in diversa porrectis, ipse à terrenis contactibus liber, fluctuantis mundi turbines intuere &c. Cerne tu itinera latronibus clausa, Maria obsessa prae donibus, cruento horrore castrorum bella undique divisa; madet orbis mutuo sanguine, & homicidium cum admittant singuli, crimen est, virtus vocatur cum publice geritur: impunitatem sceleris acquirit non Innocentiae ratio, sed sevitia magnitudo. Jam si ad urbes ipsas oculos tuos convertas, celebritatem offendes omni solitudine tristiolem. Paratur gladiatorius ludus, ubi homo occiditur in hominis voluptatem, ut quis possit occidere, peritia est, usus est, ars est: scelus non tantum geritur, sed docetur &c. O si possis in illa sublimi specula constitutus, oculos tuos inferre secretis, recludere cubiculorum obductas fores & ad conscientiam luminum penetrantia occulta referare, Aspicias ab impudicis geri, quod nec possit aspicere frons pudica. Videas quod crimen sit, & videre. Esunt, quae nec illis possunt placere, qui faciunt. In nunc, & persiste in mundo, ubi nihil est nisi vel quod horreas flagitium, vel quod fugias periculum, vel quod timeas exitium. Dictorum Epiphonema sit hoc vatis poëma:*

Omnia in hoc mundo, fragilis stat sicut arundo.

C

14. DIES

(a) Cypr. Epist. ad Donat.